

經

典

集

林

經典集林總目一卷

臨海 洪頤煊 撰錄

承德 孫 彤 校訂

歸藏一卷

經典集林卷一

隋書經籍志歸藏十三卷晉太尉參軍薛真撰舊唐書經籍志司馬膺撰新唐書藝文志作司馬藏注隋志又云歸藏漢初已亡晉中經有之唯載卜筮不似聖人之旨以本卦尚存故取貫於周易之首以備殷易之缺鄭康成注禮運云其書存者有歸藏太平御覽引博物志云太古書今見存者連山歸藏夏殷之書是漢末已有此書宋崇文總目云今但存初經齊母本著三篇今亦不傳

春秋決獄一卷

經典集林卷二

後漢書應劭傳故膠東相董仲舒老病致仕朝廷每有政議
數遣廷尉張湯親至間巷問其得失於是作春秋決獄二百
三十二事漢書藝文志公羊董仲舒治獄十六篇卽其書也
隋書經籍志作春秋決事十卷舊唐書經籍志作春秋決獄
十卷新唐書藝文志董仲舒春秋決獄十卷黃氏正宋史藝
文志正丁氏注黃氏正唐宋志春秋決獄俱在法家

石渠禮論一卷

經典集林卷三

漢書宣帝紀甘露三年詔諸儒講五經同異太子太傅蕭望
之等平奏其議上親稱制臨決焉儒林傳后倉說禮數禹言
號曰后氏曲臺記授沛聞人通漢子方梁戴德延君戴聖次
君德號大戴爲信都太傅聖號小戴以博士論石渠通漢以
太子舍人論石渠韋立成傳立成受詔與太子太傅蕭望之

及五經諸儒雜論同異於石渠閣此卽其所記也漢書藝文志尚書春秋論語五經雜議家俱有石渠議奏禮家石渠議奏三十八篇隋書經籍志止石渠禮論四卷題戴聖撰唐宋志俱不著錄

喪服變除一卷

經典集林卷四

舊唐書經籍志喪服變除一卷戴德撰新唐書藝文志同據禮記喪服小記正義鄭康成注喪服變除卽戴法正文通典所引稱鄭立喪服變除或是注文今並附於後

五經通義一卷

經典集林卷五

隋書經籍志五經通義八卷梁九卷不題撰人名氏舊唐書經籍志五經通義九卷劉向撰新唐書藝文志劉向五經通

義九卷

五經要義一卷

經典集林卷六

隋書經籍志五經要義五卷不題撰人名氏舊唐書經籍志五經要義五卷劉向撰新唐書藝文志同隋志梁有五經要義十七卷雷氏撰別是一書

六藝論一卷

經典集林卷七

後漢書鄭玄傳舉玄所注有六藝論公羊序疏鄭君先作六藝論然後注書隋書經籍志六藝論一卷鄭玄撰舊唐書經籍志新唐書藝文志同

春秋土地名一卷

經典集林卷八

隋書經籍志春秋土地名三卷晉裴秀客京相璠等撰舊唐書經籍志新唐書藝文志同水經穀水注京相璠與裴司空彥季修晉輿地圖作春秋土地名

汲冢瑣語一卷

經典集林卷九

晉書束皙傳初太康二年汲郡人不準盜發魏襄王墓或言安釐王冢得竹書數十車其瑣語十一篇諸國卜夢妖怪相書也隋書經籍志古文瑣語四卷汲冢書舊唐書經籍志新唐書藝文志同又汲冢中所得有周書僅見文選注今附篇中或以逸周書當之非也

楚漢春秋一卷

經典集林卷十

漢書藝文志楚漢春秋九篇陸賈所記隋書經籍志新唐書藝文志同舊唐書經籍志作二十卷後漢書班彪傳云漢興定天下太中大夫陸賈記錄時功作楚漢春秋九篇史記索隱云記項氏與漢高祖初起及說惠文間事史通云晏子虞卿呂氏陸賈其書篇第本無年月而亦謂春秋司馬遷漢史

經集林卷十一
記據楚漢春秋其言秦漢事尤詳

茂陵書一卷

經典集林卷十一

漢書藝文志不載茂陵書臣瓚注漢書引之史記索隱云茂陵書亡于西晉

劉向別錄一卷

經典集林卷十二

隋書經籍志七略別錄二十卷劉向撰舊唐書經籍志新唐書藝文志同諸書引或作劉向別錄或作劉向七略皆一書也漢書藝文志成帝時詔光祿大夫劉向校經傳諸子詩賦每一書已向輒條其篇目撮其旨意錄而奏之今戰國策山海經說苑管子晏子列子鄧析子荀卿子俱有劉向奏疑亦在別錄以附專書不復錄入卷中

七畧一卷

經典集林卷十三

漢書藝文志向卒哀帝復使向子侍中奉車都尉歆卒父業歆於是總羣書而奏其七略故有輯略有六藝略有諸子略有詩賦略有兵書略有術數略有方技略隋書經籍志七略七卷劉歆撰舊唐書經籍志新唐書藝文志同隋志云歆總括羣書著爲七略大凡三萬三千九十卷班固據七略刪爲藝文志其所注出入篇數今無可考證亦不復錄入卷中

蜀王本紀一卷

經典集林卷十四

隋書經籍志蜀王本紀一卷揚雄撰舊唐書經籍志新唐書藝文志同

漢武故事二卷

經典集林卷十五

隋書經籍志漢武帝故事二卷舊唐書經籍志宋史藝文志同唯新唐書經籍志宋史藝文志班固漢武故事五卷宋崇

文總目云本題二篇今世誤析爲五篇中興書目云雜記五
帝舊事及神怪之說末略載宣帝事其書至宋猶存今世所
行有吳琯古今逸史刊本是明人所集殘缺非原書

鄭玄別傳一卷

經典集林卷十七

史志俱不著錄未詳撰人名氏

臨海記一卷

經典集林卷十八

史志俱不著錄未詳撰人名氏

子思子一卷

經典集林卷十九

漢書藝文志子思二十三篇各汲孔子孫爲魯穆公師隋書
經籍志子思子七卷魯穆公師孔伋撰舊唐書經籍志新唐
書藝文志同後漢書王良傳注引子思子有累德篇晁氏讀
書志別有子思子一卷王伯厚云乃取諸孔叢非本書也

公孫尼子一卷

經典集林卷二十

漢書藝文志公孫尼子二十八篇七十子之弟子在儒家隋書經籍志公孫尼子一卷尼似孔子弟子舊唐書經籍志新唐書藝文志同漢書藝文志雜家有公孫尼子篇別是一書魯連子一卷

經典集林卷二十一

漢書藝文志魯仲連子十四篇有列傳隋書經籍志魯連子五卷錄一卷舊唐書經籍志魯連子五卷魯仲連撰宋史藝文志同新唐書藝文志作一卷

太公金匱一卷

經典集林卷二十二

隋書經籍志太公金匱二卷舊唐書經籍志新唐書藝文志同漢書藝文志無此書道家有太公二百三十七篇謀八十一篇言七十一篇兵八十五篇此書當出其中七略云太公

金版玉匱雖近世之文然多善者

汜勝之書二卷

經典集林卷二十三

四

漢書藝文志汜勝之十八篇成帝時爲議郎

元和姓纂爲黃門侍郎

劉

向別錄云使教田三輔有好田者師之徙爲御史晉書食貨志漢遣輕車使者汜勝之督三輔種麥而關中遂穰玉海引皇甫謐云本姓凡氏遭秦亂避地於汜水因改焉勝之撰書言種植之事子輯爲燉煌太守隋書經籍志汜勝之書二卷舊唐書經籍志新唐書藝文志同

黃帝問玄女兵法一卷

經典集林卷二十五

隋書經籍志黃帝問玄女兵法四卷梁三卷舊唐書經籍志黃帝問玄女法三卷玄女撰新唐書藝文志作二卷諸書所引或作黃帝玄女戰法或作黃帝兵法並是一書

張衡靈憲一卷

經典集林卷二十六

後漢書張衡傳衡善機巧尤致思於天文陰陽歷算安帝雅聞衡善術學公車特徵拜郎中再遷爲太史令作渾天儀著靈憲算罔論言甚詳明隋書經籍志靈憲一卷張衡撰舊唐書經籍志新唐書藝文志俱作靈憲圖一卷隋書天文志云衡所鑄圖遇亂湮滅星官名數亦不復存

渾天儀一卷

經典集林卷二十七

舊唐書經籍志渾天儀一卷張衡撰新唐書藝文志同隋書天文志云延熹七年太史令張衡更以銅製渾天儀以四分爲一度周天一丈四尺六寸一分亦於密室中以漏水轉之令伺之者閉戶而唱之以告靈臺之觀天者璿璣所加某星始見某星已中某星今没皆如合符衡又作地動儀見後漢

書

師曠占一卷

經典集林卷二十八

漢書藝文志陰陽家師曠八篇小說家師曠六篇見春秋其言淺薄本與此同似因記之此卽陰陽家書也後漢書蘇竟傳猥以師曠雜事輕自眩惑注雜占之書也方術傳序引師曠六篇隋書經籍志師曠書三卷又梁有師曠占五卷舊唐書經籍志新唐書藝文志師曠占書一卷俱在五行家

范子計然一卷

經典集林卷二十九

舊唐書經籍志范子問計然十五卷范蠡問計然荅新唐書藝文志同

夢書一卷

經典集林卷三十

隋書經籍志夢書十卷不題撰人名氏別有京房等占夢書

七種舊唐書經籍志占夢書二卷新唐書藝文志又有盧重
元夢書四卷此夢書不知何人所撰唯白帖引作周宣夢書
隋唐志俱有之

白澤圖一卷

經典集林卷三十一

舊唐書經籍志新唐書藝文志同

地鏡圖一卷

經典集林卷三十二

隋書經籍志梁有地鏡圖六卷金樓子志怪篇云地鏡經凡
出三家有師曠地鏡有白澤地鏡有六甲地鏡三家之經但
說珍寶光氣開元占經引地鏡陳說災異當卽隋志所稱梁
有天鏡地鏡各一卷者別爲一書故不錄入

經典集林總目一卷

歸藏一卷

經典集林卷一

臨海 洪頤煊 撰集

承德 孫彤 校訂

啓筮

太昊之盛有白雲出自蒼梧入于大梁

初學記一藝文類聚一文選謝靈運新亭渚別

范零陵詩注白帖二太平御覽八又八百七十二

昔女媧筮張雲幕而枚占神明占之曰吉昭昭九州日月代極

平均土地和合四國

北堂書鈔一百三十五初學記二十五太平御覽七十八

共工人面蛇身朱髮

山海經大荒西經注藝文類聚十七太平御覽三百七十三路史後紀二

蚩尤出自羊水八肱八趾疏首登九淖以伐空桑黃帝殺之於

青丘

初學記九路史後紀四案路史又引蚩尤伐空桑五字又云蚩尤疏首虎睫八肱八趾見歸藏啓筮

空桑之蒼蒼八極之既張乃有夫羲和是主日月職出入以爲

晦明

山海經大荒南經注

瞻彼上天一明一晦有夫羲和之子出於陽谷

山海經大荒南經注

帝堯降二女爲舜妃

周禮太卜疏 素引作坤開筮坤是其卦名

滔滔洪水無所止極伯鯀乃以息石息壤以填洪水

史記甘茂列傳索隱

山海經海內經注北堂書鈔一百六十案史記索隱北堂書鈔引作以堙洪水

鯀死三歲不腐剖之以吳刀化爲黃龍

山海經海內經注

鯀死三歲不腐剖之以吳刀是用出禹

初學記二十二路史後記十三

麗山之子鼓青羽人面馬身

山海經西山經注路史後紀四案西山經又云鍾山其子曰鼓其

狀如人面而龍身注云其類皆見歸藏啓筮

金水之子其名曰羽蒙乃之羽民是生百鳥

文選鸚鵡賦注太平御覽九百四十

案文選注引作鼓蒙

羽民之狀鳥喙赤目而白首

山海經海外南經注

昔彼九冥是與帝辯同官之序是爲九歌

山海經大荒西經注

不可竊辯與九歌以國於下

山海經大荒西經注

鄭母經

昔者羿善射彈十日果畢之

尚書五子之歌正義左氏襄四年正義論語憲問疏孟子梁惠王疏

山海經海外東經注

夏后啓筮御飛龍登於天吉明啓亦仙也

山海經海外西經注穆天子傳注五案

穆天子傳注云嵩高山啓母在此山化爲石而子啓亦登仙皆見歸藏

明夷曰昔夏后啓上乘龍飛以登於天畢陶占之曰吉

太平御覽九百

二十九路史後紀十四案路史引歸藏鄭母經明夷曰夏后啓筮御龍飛升于天與上文連爲一條

齊母經

瞿有瞿有魴宵梁爲酒尊於兩壺兩踰飲之二日然後歸士有

澤我取其魚

爾雅釋畜注釋畜疏案疎云齊母經瞿有之文也瞿有卦名

初經

初坤初乾初離初坎初兌初艮初震初巽

路史後紀五又發揮一玉海三十五

玉海引作初乾初巽初艮初兌初牽初離初震初巽卦皆六畫

與即坤牽即坎震即震禮記禮運正義熊氏云殷易以坤為首故先坤後乾

本著篇

著末大於本為上吉蒿末大於本次吉荆末大於本次吉箭末

大於本次吉竹末大於本次吉著一五神蒿二四神荆三三神

箭四二神竹五一神筮五犯皆臧五筮之神明皆聚焉

太平御覽七百

二十七案王伯厚漢書藝文志攷證云歸藏晉中經有之隋唐志皆十三卷今唯存初經齊母本著三篇此引雖不題本著

當是本著篇之文

不著篇名

昔黃神於炎神爭鬪涿鹿之野將戰筮於巫咸曰果哉而有咎

太平御覽七十九路

史前紀三後紀四

昔者豐隆筮將雲氣而吉核之也

北堂書鈔一百五十一案穆天子傳二注云豐隆筮御雲

得大壯卦遂爲雷師疑歸藏之文

昔者河伯筮於洛戰而枚占昆吾占之不吉

初學記二十

昔常娥以不死之藥服之遂奔爲月精

文選月賦注宋孝武宣貴妃詠注祭顏光祿父

注太平御覽九百八十四

繇筮之於歸藏得其大明曰不吉有初亾後

路史後紀十三

昔者夏后啓筮享神於晉之墟作爲璿臺於水之陽

初學記二十四藝文

類聚六十二文選王元長三月三日曲水詩序注太平御覽一百七十七

昔夏后啓筮享神於大陵而上鈞臺枚占臯陶曰不吉

北堂書鈔八十八

二初學記二十四太平御覽八十二

啓筮徒九鼎啓果徙之

路史後紀十四

昔者桀筮伐唐而枚占於熒惑日不吉不利出征惟利安處彼
為狸我為鼠勿用作事恐傷其父

太平御覽八十二又九百一十二路史後紀十四

武王伐商枚占耆老日不吉

路史後紀五

昔穆王天子筮出於西征不吉日龍降於天而道里修遠飛而

冲天蒼蒼其羽

太平御覽八十五

穆王微于戈之璽

太平御覽八百三十一

昔穆王子筮卦於禹強

莊子大宗師釋文路史後紀五

節卦殷王其國常毋咎

周禮大卜疏路史發揮案路史引谷下有目字

剝良人得其玉君子得其粟

太平御覽八百四十

鼎有黃耳利得鱸鯉

藝文類聚九十九

有鳧鴛鴦有雁鷓鴣

藝文類聚九十二太平御覽九百二十五

乾者積石風穴之琴亭之者弗亭終身不瘳

北堂書鈔一百五十八

君子戒車小人戒徒

文選顏延年秋胡詩注

上有高臺下有離池以此事君其貴若化若以賈市其富如河

漢

太平御覽四百七十二

有人將來遺我貨貝以正則徹以求則得有喜則至

藝文類聚八十四太

平御覽八百七

有人將來遺我錢財自夜望之

太平御覽八百三十一

乾爲天爲君爲父爲大赤爲辟爲卿爲馬爲禾爲血卦

路史發揮

東君雲中見歸藏易

史記封禪書索隱五引周書歸藏士無兼年之食一條是

案太平御覽三十

夏歲之謫今不錄附訂於此

歸藏四千三百言

桓譚新論

歸藏者萬事莫不歸藏於其中也

三國志三少帝紀左氏傳襄九年正義

連山久亡歸藏不行於世

釋文序錄

世有歸藏易者偽妄之書非殷易也

左氏傳襄九年正義

經典集林卷一

董仲舒春秋決獄一卷

經典集林卷二

臨海 洪頤煊 撰集

承德 孫 彤 校訂

君獵得麇使大夫持以歸大夫

案白帖八十五引作孟孫獵得麇使秦巴西以歸

道見

其母隨而鳴感而縱之君愠議罪未定君病恐死欲託孤幼乃

覺之大夫其仁乎遇麇以恩况仁乎

案仁當作人

乃釋之以爲子傅

於議何如董仲舒曰君子不麇不卵大夫不諫使持歸非也然

而中感母恩雖廢君命徒之可也

白帖二十六又八十五

甲乙與丙爭言相鬪丙以佩刀刺乙甲卽以杖擊丙誤傷乙甲

當何論或曰毆父也當梟首論曰臣愚以父子至親也聞其鬪

莫不有怵悵之心扶伏而救之非所以欲詬父也

案欲詬一作欲后

春

秋之義許止父病進藥於其父而卒君子顧心赦而不誅甲非

律所謂毆父不當坐

太平御覽
六百四十

甲夫乙將船會海盛風船沒溺流死不得葬四月甲母丙卽嫁甲欲皆何論或曰甲夫死未葬法無許嫁以私爲人妻當棄市議曰臣愚以爲春秋之義言夫人歸於齊言夫死無男有更嫁之道也婦人無專制擅恣之行聽從爲順嫁之者歸也甲又尊者所嫁無淫之心非私爲人妻也明於決事皆無罪名不當

坐

太平御覽
六百四十

甲無子拾道旁兒乙養爲己子及乙長有罪殺人以狀語甲甲藏匿乙甲當何論仲舒斷曰甲無子振治養乙雖非己出春秋之義父爲子隱子爲父隱甲宜匿乙詔不當坐

通典六
十九

甲有子乙乞丙乙後長大而彼所成育甲因酒色謂乙汝是吾子乙怒杖甲二十以乙本是其子不勝其忿告於縣官仲舒斷

之曰甲生乙不能長育以乞丙於義已絕矣雖杖甲不應坐通典

六十九

甲爲武庫卒盜強弩絃一時與弩異處當何罪論曰兵所居比司馬闌入者髡重武備責精兵也弩棧郭弦軸異處盜之不至盜武庫兵陳論曰大車無軌小車無軌何以行之甲盜武庫兵當弃市乎曰雖與弩異處不得弦不可謂弩矢射不中與無矢同不入異無鍤同律曰此邊鄙兵所藏直百錢者當坐棄市白帖

九十一

意苟不惡釋而無罪北堂書鈔

四十四

經典集林卷二

石渠禮論一卷

經典集林卷三

臨海 洪頤煊 撰集

承德 孫彤 校訂

經云宗子孤爲殤言孤何也聞人通漢曰孤者師傳曰因殤而見孤也男子二十冠而不爲殤亦不爲孤故因殤而見之戴聖曰凡爲宗子者無父乃得爲宗子然爲人後者父雖在得爲宗子故稱孤聖又問通漢曰因殤而見孤冠則不爲孤者曲禮曰孤子當室冠衣不純采此孤而言冠何也對曰孝子未曾忘親有父母無父母衣服輒異記曰父母存冠衣不純素父母歿冠衣不純采故言孤言孤者別衣冠也聖又曰然則子無父母年且百歲猶稱孤不斷何也通漢對曰二十而冠不爲孤父母之

喪年雖老猶稱孤

通典七十三

大宗無後族無庶子已有一嫡子當絕父祀以後大宗戴聖亦云大宗不可絕嫡子不爲後者不得先庶矣族無庶子則當絕父以後大宗聞人通漢云大宗有絕子不絕其父宣帝制曰聖

議是也

通典九十六

經云大夫之子爲姑姊妹女子子無主後者爲大夫命婦者唯子不報何戴聖以爲唯子不報者言命婦不得降故以大夫之子爲之唯子不報者言猶斷周不得申其服也宣帝制曰爲父母周是也

通典九十九

卿射請告主人樂不告者何也戴聖曰請射告主人者賓主俱當射也夫樂主所以樂賓也故不告於主人也

通典七十七

宣帝甘露三年三月黃門侍郎臨

通典注云失其姓案此爲梁丘臨漢書梁丘賀傳賀傳子

臨亦入說爲黃門郎甘露中奉使問諸儒於石渠

奏經曰鄉射合樂大射不樂何也戴

聖曰鄉射至而合樂者質也大射人君之禮儀多故不可樂也
聞人通漢曰鄉射合樂者人禮也所以合和百姓也大射不合
樂者諸侯之禮也韋玄成曰鄉射禮所以合樂者鄉人本無樂
故合樂歲時所以合和百姓以同其意也至諸侯當有樂傳曰
諸侯不釋懸明用無時也君臣朝廷固當有之矣必須合樂而
後樂故不云合樂也時公卿以立議是

後漢禮儀志補
注通典七十七

諸侯之大夫爲天子當總纓旣葬除之以時接見於天子故旣
葬除之大夫之臣無接見之義不當爲國君也聞人通漢對曰
大夫之臣陪臣也未聞其爲國君也又聞庶人尚有服大夫臣
食祿反無服何也聞人通漢對日記云仕於家出鄉不與士齒
是庶人在官也當從庶人之爲國君三月服制曰從庶人服是
也又問曰諸侯大夫以時接見天子故服今諸侯大夫臣亦有

時接見於諸侯不聖對曰諸侯大夫臣無接見諸侯義諸侯有時使臣奉賀乃非常也不得爲接見至於大夫有年獻於君君不見亦非接見也侍郎臣臨待詔聞人通漢等皆以爲有接見

義

通典八十一

聞人通漢問日記曰君赴於他國之君曰不祿夫人曰寡小君不祿大夫士或言卒死皆不能明戴聖對曰君死未葬曰不祿既葬曰薨又問尸服卒者之上服士曰不祿言卒何也聖又曰夫尸者所以象神也其言卒而不言不祿者通貴賤尸之義也通漢對曰尸象神也故服其服士曰不祿者諱辭也孝子諱死

曰卒

通典八十三

問父卒母嫁爲之何服蕭太傅云當服周爲父後則不服韋玄成以爲父歿則母無出義王者不爲無義制禮若服周則是子

貶母也故不制服也宣帝詔曰婦人不養舅姑不奉祭祀不下
慈子是自絕也故聖人不爲制服明子無出母之義立成議是
也通典八十九

又問夫死妻稚子幼與之適人子後何服韋立成對與出妻子

同服周

通典八十九

戴聖曰大夫在外者三諫不從而去君不絕其祿位使其嫡子
奉其宗廟言長子者重長子也承宗廟宜以長子爲文蕭太傅
曰長子者先祖之遺體也大夫在外不得親祭故以重者爲文
宣帝制曰以在故言長子通典九十九

問曰大夫降乳母耶聞人通漢對曰乳母所以不降者報義之
服故不降也則始封之君及大夫皆降乳母通典九十二

戴聖對曰君子子爲庶母慈已者大夫之嫡妻之子養于貴妾

大夫不服賤妾慈已則總服也其不言大夫之子而稱君子者君子猶大夫也

通典九十二

蕭太傅云以麻終月數者以其未葬除無文節故不變其服爲稍輕也已除喪服未葬者皆反服庶人爲國君亦如之宣帝制曰會葬服喪衣是也或問蕭太傅久而不葬唯主喪者不除今則或十年不葬主喪者除否荅云所謂主喪者獨謂子耳雖過期不葬子義不可以除

通典一百三十一

戴聖聞人通漢皆以父爲長子斬者以其爲五代之嫡也

通典八十八

冠者人道之始也嘉事之善也是以聖王重之必行於廟

政和五禮

新儀十一

主人不敢自專請賓共成也亦謂人之父恥自成其子故請賓

也政和五禮
新儀十一

立冠朝服戴聖曰立冠委貌也朝服布上素下緇帛帶素韋鞶

後漢輿服
志補注

戴聖云男子陽也陽成於陰偶數起於二終於二十陰數之偶

也故二十而冠謂小成也通典五十六政和
五禮新儀十一

周以后稷文武特七廟禮記王
制正義

周公祭天用太公爲尸毛詩既
醉正義

戴聖聞人通漢等議五祀則有井通典五
十一

異義許慎謹案公議即尹更始待詔劉更生等議石渠以爲

吉凶不並災瑞不兼今麟爲周亾天下之異則不得書瑞以

應孔子至禮記禮
運正義

經典集林卷三

戴德喪服變除一卷

經典集林卷四

臨海 洪頤煊 撰集

承德 孫 彤 校訂

斬縗三年之服始有父之喪笄纒徒跣扱上衽交手哭踊無數
惻恒痛疾既襲三稱服白布深衣十五升素章甫冠白麻屨無
絢孫爲祖父後者上通於高祖自天子達於士與子爲父同父
爲長子自天子達於士不笄纒不徒跣不食粥妻爲夫妾爲君
笄纒不徒跣扱上衽既襲三稱白布深衣素總白麻屨齊縗三
年者父卒始有母之喪笄纒徒跣扱上衽交手哭踊無數既襲
三稱服白布深衣十五升素章甫冠白麻屨無絢父卒爲繼母
君母慈母孫爲祖後者父卒爲祖母服上至高祖母自天子達
於士庶人爲人後者所後之祖母母妻母爲長子妾爲君之長

子繼母爲長子

案通典八十九引父卒爲繼母以下俱同

皆不笄纒徒跣也女子子

在室父卒爲母始死笄纒不徒跣不扱上衽旣襲三稱素總齊

纒杖周者父在始有母之喪笄纒徒跣扱上衽哭踊無數旣襲

三稱白布深衣十五升素章甫冠吉白麻屨無紼爲出母慈母

繼母君母自天子達於士父卒爲繼母嫁及繼母報繼子夫爲

妻始死素冠深衣不笄纒不徒跣女子子在室爲母不徒跣不

扱上衽旣襲三稱素總齊纒不杖周者謂始有祖父母之喪則

白布深衣十五升素冠吉屨無紼哭踊無數旣襲無變其齊纒

三月者始有曾祖父母之喪白布深衣十五升素冠吉屨無紼

女子子適人者爲曾祖父母素總大功親長中殤七月無受服

始有昆弟長殤喪白布深衣十五升素冠吉屨無紼成人九月

從父昆弟之喪與殤同天子諸侯之庶昆弟與大夫之庶子爲

其母

案通典八十一引作
爲其母大功九月

哭泣飲食居處思慕猶三年也其餘

與士爲從父昆弟相爲服同爲人後者爲其昆弟大夫爲伯叔
父母子昆弟之子爲士者哭泣飲食思慕以上竝猶周也天子
爲姑姊妹女子子嫁於二王後者諸侯爲姑姊妹女子子嫁於
諸侯大夫命婦大夫之子諸侯之庶昆弟爲姑姊妹女子子嫁
於卿大夫者與士之爲姑姊妹適人者服同天子之昆弟與姑
姊妹女子子嫁於諸侯大夫者姑姊妹適人者爲昆弟其異於
男子者始死素總小功五月無受之服者如有叔父下殤之喪
白布深衣十五升素冠吉屨無絢天子諸侯大夫爲嫡子嫡孫
立孫不爲次飲食術爾爲姑姊妹女子子之昆弟之子夫昆弟
之子下殤爲人後者爲其昆弟姑姊妹之長殤並哭泣飲食猶
大功也大夫之子天子諸侯之昆弟庶子姑姊妹女子子爲從

父昆弟從父姊妹祖父母爲孫與叔父之下殤同姑姊妹適人者爲昆弟姪之殤與爲從父昆弟之長殤同成人小功者從祖祖父母之喪與下殤小功服同餘應服者並同總麻三月之服者族祖父母始死朝服素冠吉屨無紼婦爲夫曾祖父母異於男子者以素總也

通典八十四

總纓七月之服諸侯之大夫始聞天子之喪白布深衣十五升素冠吉屨無紼從諸侯哭於朝張帷爲次於官舍門外別外內食蔬食有鹽酪之和凡再不食旣成服服總布纓裳十一升白布冠纓緣皆十一升帶亦如之一辟廣三寸偶結於前經用梟麻首經大四寸百二十五分寸之七十六右本在上五分寸之三七月而葬葬已而除受以朝服素冠踰月復故

通典八十一

臣爲君笄纚不徒跣始死深衣素冠其餘與子爲父同

通典八十一

女子子適人者爲繼父服齊衰三月不分別同居異居

通典九十一案

此條引作
喪服記

童子當室謂十五至十九

案禮記雜記正義引作謂十五以上

爲父後持宗廟之

重者其服深衣不裳其餘與成人同禮不爲未成人制服者爲用心不能一也其能服者亦不禁縗經不以制度唯其所能勝

通典八十一

七歲以下至生三月殤之以日易月生三月哭之朝夕卽位哭

葬於園旣葬止哭不飲酒食肉畢喪各如其日月

通典九十一案又引宋

庾蔚之謂戴德云獨謂父母爲子昆弟相爲此亦論殤禮也

君弔於卿大夫錫衰以居不聽樂弔於士皆服弁經疑衰君弔

臣疑衰素弁加經明日主人衰經拜謝于朝君若使人弔其服

疑衰素裳素冠諸侯會過相弔則錫衰皮弁加經不舉諸侯弔

於寄公錫衰諸侯相弔其同國大夫相弔錫衰十五升抽其半

素冠加經朋友弔服有經經大與總麻同素冠素帶既葬而除

皆在他國則袒免同國大夫命婦相服錫衰素總加麻同國之

士相爲朝服加經其妻相爲亦如之朝服不整

通典八十三

制總麻具而葬葬而除謂子爲父妻妾爲夫臣爲君孫爲祖後

也無遺奠之禮其餘皆親弔

通典一百二

以朋友有思道之恩加麻三月

通典一百一

小斂之後大夫以上冠素弁士則素委貌

禮記喪服小記正義案此條不稱戴德

哭時隨其哀殺五日十日可哭矣

通典八十七

二十五月而大祥二十七月而禫

禮記檀弓正義

既祥白屨無紉

禮記檀弓正義

禫立衣黃裳

禮記雜記正義案此條不稱戴德

既祭乃服禫服朝服纓冠

禮記雜記正義案此條不稱戴德

黑經白緝曰織

禮記問傳正義

尸襲去纒括髮

禮記喪服小記正義案引作鄭注喪服變除又云喪服變除不杖齊衰條云襲尸之時

云括髮者誤也

至死之明日士則死日襲明日小斂

禮記喪服小記正義案引作鄭注喪服變除

子爲父斬綖始死并纒如故既襲三稱衣十五升布深衣扱

上衽徒跣交手哭諸侯爲天子父爲長子不徒跣爲次於內

不歆粥臣爲君不并纒不徒跣餘與爲父同女子子嫁反在

父室者及妻爲夫妾爲君不徒跣不扱上衽發胸拊心哭泣

無數鞶帶如故餘與男子同

通典八十一又八十四案八十四引作鄭立云八十一引臣

爲君三句作鄭立變除

經典集林卷四

劉向五經通義一卷

經典集林卷五

臨海 洪頤煊 撰集

承德 孫彤 校訂

王者已有州伯所以復設二伯何欲使紂職也三歲一閏天道小備故二伯紂職也何以爲二伯乎曰以三公在外稱伯東西分爲二所以稱伯欲抑之三公臣之最尊也又以王命而行天下爲其威故抑之明有所屈伯也

北堂書鈔五十

二王之後不考功有誅無絕

後漢百官志補注

王者所以祭天地何王者父事天母事地故以子道事也祭日以丁與辛何丁者反覆自丁寧辛者常自尅辛也

太平御覽五百二十七

天神之大者曰昊天上帝其佐曰五帝

初學記一白帖一太平御覽二

秦御覽注云

昊天上帝卽耀魄寶也五帝東方青帝靈威仰南方赤帝赤熛怒西方白帝白招拒北方黑帝汁光紀中央黃帝含樞紐

天皇大帝亦曰太一

太平御覽二

蒼帝靈威仰赤帝赤熛怒黃帝含樞紐白帝白招矩黑帝叶光

紀牲幣及玉各依方色

後漢書明帝紀注

王者所以因郊祭日月星辰風伯雨師山川何以爲皆有功于民故祭之也皆天地之別神從官也緣天地之意亦欲及之故歲一祭之禮日出于南門外禮月四瀆于北門外禮山川丘陵于西門外禮風伯雨師于東門外禮各卽其位也以示明之其祭之奈何乎曰祭日者懸祭月者毀祭風者明祭雨者布祭山

川者沉各象其貌也

唐會要二十二太平御覽五百二十九

王者諸侯所以三年一禘五年一禘何

案唐會要十三引三年一禘

三年一

閏天道小備孝子緣先人意無不欲相對飲食故三年一禘禘者皆取未遷廟主合食太祖廟中五歲再閏天道大備故五歲

一禘禘者諦也取已遷廟主合食太祖廟中

北堂書鈔九十太平御覽五百二十

八

諸侯會天子則以方明爲主覲禮方明木也其形四方六面上

元下黃東青南赤西白北黑方明者上下四方神明之象也

太平御覽五百

三十一

易姓而王太平必封太山禪梁父何天命已爲王使理羣生也

或曰封以黃金爲泥以銀爲繩經無明文以義說之所以止封

岱太山者五嶽之長羣神之主故獨封於太山告太平於天報

羣神之功也禪梁父者太山之支層能配太山之德也

北堂書鈔九十

一太平御覽五百三十六

泰山一曰岱宗言王者受命易姓報功告成必以岱宗也岱者

代也東方萬物始交代之處宗長也言爲羣嶽之長

初學記五白帖五六

平御覽

三十九

天子大社王社諸侯國社侯社制度奈何曰社皆有垣無屋樹其中以木有木者土主生萬物萬物莫善於木故樹木也

魏書劉芳

王社藉田中爲千畝報功也文家立右社稷左宗廟何文家握地而王地道長右得事宗廟以右社稷故右之也質家左社稷右宗廟皆有壇者飾也有木者土當生萬物莫善於木

太平御覽五百

三十

靈星爲立尸故云絲衣其夜會弁綵綵傳言王者祭靈星公尸

所服之衣也

通典四十四

王者受命而起所以立靈臺靈臺何以爲在於野中國之南附近辟雍伐仁宮也靈臺制度奈何師說云積土崇增其高九仞

上平無屋高九仞者極楊之數上平無屋望氣顯著

太平御覽五百三十四

四

靈臺以望氣明堂以布政辟雍以養老教學三者不同

隋書牛宏傳

天子立辟雍者何所以行禮樂宣德化教導天下之人使爲士

君子養三老五更與諸侯行禮之處也

藝文類聚三十八

諸侯不得觀四方故缺東南以半天子之學故曰頌宮

初學記十三

文類聚三十八太平御覽五百三十四

泮水者泮之言半也天子曰辟雍謂以土壅水外員如璧故曰

辟雍又取四方來觀者平均耳泮宮水壅其半口東西門以南

通北無水也

通典五十三

三王教化之官總名爲學夏爲校校言教也殷爲庠周爲序周

家又兼用之故鄉爲庠里爲序家爲塾

藝文類聚三十八太平御覽五百三十四又五

百三十五

五帝三王樂所以不同何樂者以象德表功因事之宜也有優

劣故不同

北堂書鈔一百五初學記十五

功成作樂治定制禮所以禁奢侈滌邪志通中和也

初學記十五

樂貴和而上質

北堂書鈔一百五

受命而王者有六樂焉以大一樂天以咸池樂地以肆夏樂人

以大夏樂四時以大濩樂五行神明以大武六律各象其性分

而爲之制以樂其先祖

初學記十五藝文類聚四十一太平御覽五百六十五

黃帝所以爲咸池者何咸皆也施也黃帝時道皆施于民

初學記十五

五

王者之樂有先後者各尚其德也以文得之先文樂衣繡衣持羽毛而舞以武得之先武樂持朱干玉戚而舞所以增威武也

戚斧干楯也玉取其德干取其仁明當尚德行仁以斷斬也

北堂

書鈔一百七藝文類聚四十一通典
一百四十五太平御覽五百七十五

歌舞同處耶異耶歌者象德舞者象功君子尚德下功故歌在堂舞在庭歌以養形歌者有聲舞者有形何言歌在堂也以燕禮曰升歌鹿鳴以是知之何以言舞在庭也援神契曰合忻之

樂舞於堂四夷之樂陳於戶以是明之

太平御覽五百六十五

舞四夷之樂明澤廣被四表也東夷之樂曰侏離南夷之樂曰任西夷之樂曰禁北夷之樂曰昧東方所謂侏離者何陽始通萬物之屬離地而生故謂之侏離南方所以謂任者何陽氣盛用事萬物懷任故謂之任西方所以謂之禁者何西方陰氣用事禁止萬物不得長大故謂之禁北方所以謂之昧者何北方陰氣盛用萬物暗昧不見故謂之昧四夷之樂何以作之於廟

陳於戶

初學記十五藝文類聚四十
一太平御覽五百六十七

東夷之樂持矛舞助時生也南夷之樂持羽舞助時養也西夷

之樂持鉞舞助時殺也北夷之樂持干舞助時藏也

北堂書鈔
一百七初

學記十五通典一百四十
五太平御覽五百七十四

八風者八卦之風八風以時至則陰陽變化之道成萬物各以

時育生之

後漢書黃
瓊傳注

何謂聲何謂音曰聲也人之本性也情生於心而形於聲聲成

文謂之音宮商角徵羽五聲也八音者謂金石草木竹匏土絲

五聲之散爲文章謂之音也

樂書要
錄五

八音者金石絲竹匏土草木是也金爲鍾石爲磬絲爲弦竹爲

管匏爲笙上爲塤皮爲鼓木爲柷敔

初學記
十五

鍾者秋分之氣時萬物堅成至冬而藏物堅成不滅絕莫如金

故金爲鍾相經不絕也北堂書鈔一百八 案初學記

簫編竹爲之長尺有五寸初學記

歌之言驩也以厚志意故發聲而歌長言初學記

聞宮聲無不溫雅而和之初學記

聞徵聲無不善養而好施者也初學記

聖人聞羽聲無不恭儉謙讓初學記

鄒衍言天事謂之談天專類賦

日中有三足鳥藝文類

月中有兔與蟾蜍何月陰也蟾蜍陽也而與兔並明陰繫於陽

也世說新語言語篇注初學記一藝文類聚一太平御覽四事類賦注一

日蝕者月行蔽之君臣反不以道故蝕開元占

天所以有雷霆風雨霜雪霧露何欲以成歲潤萬物因以見災

異也

太平御覽二

陰陽散爲風風氣無根也

文選風賦注

閭闔風至則解縣垂琴瑟不張不周風至則正封壇修田疇清

明風至則出幣帛使諸侯也

北堂書鈔一百五十一

不周風至則修宮室完邊城廣莫風至則誅有罪斷大刑

初學記一

景風至則封有功也

後漢書和帝紀注

震與霆皆霹靂也電謂之雷光也

初學記一藝文類聚二太平御覽十三

和氣津液凝爲露露從地出

北堂書鈔一百五十二開元占經一百一太平御覽十二廣韻十一

春注

案北堂書鈔引作從地而生也

寒氣凝而爲霜霜從地升也

北堂書鈔一百五十二初學記二太平御覽十四事類賦注三

陰陽亂則爲霧從地升也

北堂書鈔一百五十一

天道所以有寒暑何合以成歲也故易日月運行一寒一暑乾

道成男坤道成女

北堂書鈔一百五十六

冬至陽動於下推陰而上之故大寒於上夏至陰動於下推陽

而上之故大熱於上

案北堂書鈔引作夏至陰動於下陽動於上故大熱

故易云日月運

行一寒一暑日在牽牛則寒在東井則暑牽牛外宿遠人故寒

東井內宿近人故溫也

北堂書鈔一百五十五又一百五十六藝文類聚五太平御覽三十四 案藝

文類聚引外宿作水宿內宿作火宿北堂書鈔又引作宿外宿內

冬至所以寢兵鼓商旅不行君不聽政事以冬至陽氣萌生陰

氣交精始成萬物氣微在下不可動洩王者承天理物故率天

下靜而不擾也

初學記四藝文類聚三通典七十八太平御覽二十八

夏至陰氣始動而未達故亦寢兵鼓不設政事所以助微氣之

養也

案藝文類聚引作助養陰氣也

易曰先王以至日閉關后不省方以此助

北堂書鈔一百五十五藝文類聚三通典七十八太平御覽二十二

中南一名太一

白帖五

顛頊者顛猶專頊猶愉幼少而王以致太平常自愉愉謙約自

小之意故兩字爲諡

通典一百四

號者亦所以表功德號令天下也諡之言列陳所行善有善諡

惡有惡諡亦以爲勸戒也

通典一百四

有德則善諡無德則惡諡

晉書禮志通典一百四

大臣吉服之南郊告天還素服稱天而諡之

通典一百四

諡者死後之稱累生時之行而諡之生有善行死有善諡所以

勸善戒惡也諡之言列其所行身雖死名常存故謂諡也

藝文類聚

四十六太平御覽五百六十二

冕制奈何禮器曰冕冠長六寸廣八寸員前冕緇布在上五采

組十二旒夏殷之冕如周制矣其旒色異夏冕黑白赤組旒殷

冕黑黃赤紐旒

太平御覽六百八十
六路史後紀十三

王冠夏日收以入宗廟長尺六寸廣八寸前起

太平御覽六
百八十五

皮弁冠前後玉飾

太平御覽六
百八十六

弁高五寸前後玉飾詩云璫弁如星

隋書禮
儀志

玉有五德溫潤而澤有似於智銳而不害有似於仁抑而不撓

有似於義有瑕於內必見於外有似於信垂之如墜有似於禮

初學記二十七白帖七太平
御覽八百五事類賦注九

春秋說題辭曰大夫曰卒精耀終也卒之爲言終於國也士曰

不祿不祿爲身消名章也

通典八
十三

諸侯冢樹柏士冢樹槐

廣韻十五有注太平御覽九
百五十四事類賦注二十五

崩薨從何王以來乎曰從周何以言之曰尚書曰放勳乃殂落

舜曰陟方乃死武王旣喪是以知武王以前未稱崩薨也至成

王太平乃制崩薨之著尚書曰翌日乙丑成王崩

太平御覽五百四十八

凡奔喪者近者先聞先還遠者後聞後還諸侯未葬嗣子聞天子崩不奔喪王者制禮緣人心而爲之節文孝子之恩不忍去

棺柩故不使奔也

通典八十

經典集林卷五

劉向五經要義一卷

經典集林卷六

臨海 洪頤煊 撰集

承德 孫彤 校訂

王者受命創使建國立都必居中土所以總天地之和濠陰陽之正均統四方以制萬國者也

初學記二十四太平御覽一百五十六

太廟爲太室

初學記十三

契母簡狄以玄鳥至之日祀於高禘而生契高禘者蓋先王所以祈子孫之祀也玄鳥感陽而至集人棟宇有慈乳之祥故重其至日因以用事

太平御覽五百二十九

社必樹之以木周禮司徒職曰班社而樹之各以土地所生尚書逸篇曰太社惟松東社惟柏南社惟梓西社惟栗北社惟槐

魏書劉

芳傳

立壇于田所以祠先農壇之制度如社

唐書禮樂志唐會要二十二通典四十八

天子藉田千畝以供上帝之粢盛常孟春啟蟄既郊之後率公

卿大夫而親耕焉所以先百姓而致孝敬也

後漢書明帝紀注初學記十又十四

藝文類聚三十九文選藉田賦注太平御覽五百三十七

三代名臘夏曰嘉平殷曰清祀周曰大蜡總謂之臘

世說新語德行篇注

祖道者行祭爲道路所也

後漢書吳祐傳注

將行者有祖道一曰祀行言祭祀道路之神以所也

初學記二十四

王者田獵以戒不虞

北堂書鈔十四

國君及元率戎車將在中央當鼓御者在左勇力之士執戈在

後

太平御覽三百五十一

凡樂音有八鼓謂之革鍾謂之金磬謂之石琴瑟謂之絲簫管

謂之竹塤謂之土祝敵謂之木笙謂之匏是謂八音

藝文類聚四十一

周禮鍾磬皆編懸之二八十六而在一簾謂之堵磬一堵謂之

肆春秋傳曰歌鍾二肆此之謂也

藝文類聚四十一

鼓所以檢樂爲羣音之長也

北堂書鈔一百八十二平御覽五百八十二

磬立秋之樂也

初學記十六太平御覽二十五又五百七十六

簾竹也六孔有底

北堂書鈔百十一

太昊之世授龍圖之瑞春官曰青龍夏官曰赤龍秋官曰白龍

冬日黑龍中曰黃龍

北堂書鈔四十九

昏闇也旦明也日入後漏三刻爲昏日出前漏三刻爲明

文選陸佐

公新刻漏筭注

終南山長安南山也一名太一

初學記五

太一一名終南山

文選西京賦注

太一山在扶風武功縣與終南山相連

事類賦注七

古者后夫人必有女史彤管之法后妃羣妾以禮御于君所女史書其日授其環以進退之法生子月辰則以金環退之當御者以銀環進之著于左手既御著于右手左者陽也以當就男故著左手右手陰也既御而復故此女史之職也

藝文類聚十五太平御覽

一百三十五又一百四十四又七百一十八

冠嘉禮也冠首服既加而後人道備故君子重之以爲禮之始

矣

通典五十六政和五禮新儀十一

古者著裘於內而以緇衣覆之乃加以朝服會之時袒其朝服見裘裏覆衣謂之裼裼之言露可見之辭所以示美呈好而爲飾加以朝服謂之襲袒謂之裼大裘不覆反本以其質也

初學記二

十六太平御覽六百九十四

諸侯黼裘以誓田雜羔狐爲黼文也

初學記二十六太平御覽六百九十四

天子朱紱諸侯赤紱赤盛色也

北堂書鈔一百二十八
太平御覽六百九十一

鞞舜所制也

北堂書鈔一百二十八
太平御覽六百九十一

鞞者裳前之蔽也太古之時未有布帛人食禽獸肉而衣其皮

知蔽前未知蔽後至舜冕服既備故復制之示不忘古鞞各有

三朝廷則謂之鞞宗廟則謂之鞞鞞

北堂書鈔一百二十八
太平御覽六百九十一

笏者臣見于君以書思對命

北堂書鈔一百二十八

天子之笏謂之珽挺然無所屈也

太平御覽六百九十二

木主之狀四方穿中央以達四方天子長尺二寸諸侯長尺皆

刻諡於其背也

初學記十三藝文類聚三十
八太平御覽五百三十一

主者神象也凡虞主用桑桑猶喪也喪禮取其各練主用栗栗

者敬也祭祀取其恭

太平御覽五百三十一

虞主埋之廟北牖下北方無事虞主亦無事也

太平御覽一百二十八

經典集林卷六

鄭立六藝論一卷

經典集林卷七

臨海 洪頤煊 撰集

承德 孫彤 校訂

六藝者國所生也

公羊序疏

河圖洛書皆天神言語所以教告王者也

毛詩文王正義
略史前紀七

太平嘉瑞圖書之出必龜龍銜負焉黃帝堯舜周公是其正也
若禹觀河見長人臯陶於洛見黑公湯登堯臺見黑鳥至武王
渡河白魚躍文王赤雀止於戶秦穆公白雀集於車是其變也

毛詩文
王正義

易曰陰陽之象天地之所變化政教之所自生自人皇初起

禮記

大題正義路史
前紀五後紀一

遂皇之後歷六紀九十一代

秦曲禮正義引燧人至
伏羲一百八十七代

至伏羲始

作十二言之教

禮記大題正義路史前紀二又五案正義引方叔機注云六紀者九頭紀五龍紀攝提紀合

洛紀連通紀序命紀凡六紀也九十一代者九頭一五龍五攝提七十二合洛三連通六序命四凡九十一代也又左氏定四年正義云伏羲始作十言之教曰乾坤震巽坎離艮兌消息此二字當衍又路史後紀一引之教下有以厚君民之別六字

太昊帝庖犧氏姓風蛇身人首有聖德燧人歿宓犧皇生其世

有五十九姓羲皇始序制作法度皆以木德王也制嫁娶之禮

受龍圖以龍紀官故曰龍師在位合一萬一千一十二年唐釋法琳

辨正論注一

宓犧氏爲綱瓘以畋以漁取犧牲以充庖厨故曰庖犧氏辨正論注

炎帝神農氏姓姜人身牛首有火瑞卽以火德王有七世合五

百年也辨正論注一

神農斲木爲耒耜揉木爲耨始教天下種五穀故號爲神農也

辨正論
注一

軒皇姓公孫二十五月而生有珠衡日角之相以土德王天下
建寅月爲歲首生子二十五人有十二姓凡十三世合治一千
七十二年夢受帝籙遂與天老巡河而受之得河圖書師於牧
馬小童拜廣成丈人於崆峒山

辨正論
注一

黃帝佐官有七人蒼頡造書字大橈造甲子隸首造筭數容成
造歷日岐伯造醫方鬼諛區占候奚仲造車作律管與擘壇禮
也

辨正論
注一

軒皇有景雲之瑞用雲紀官少昊帝有鳳鳥之瑞故以鳥名官
焉

辨正論
注一

夏曰連山殷曰歸藏周曰周易連山者象山之出雲連連不絕
歸藏者萬物莫不歸藏於其中周易者言易道周普无所不備

周易正義
義入論

易之爲名也一言而函三義易簡一也變易二也不易三也故繫辭云乾坤其易之蘊邪又云易之門戶邪又云夫乾確然示人易矣夫坤隤然示人簡矣易則易知簡則易從此言其易簡之法則也又云其爲道也屢遷變動不居周流六虛上下无常剛柔相易不可以爲典要唯變所適此則言其順時變易出入移動者也又云天尊地卑乾坤定矣卑高以陳貴賤位矣動靜有常剛柔斷矣此則言其張設布列不易者也據茲三義而說易之道廣矣大矣

周易正義入論世說新語文學篇注

尚書緯云孔子求書得黃帝立孫帝魁之書迄於秦穆公凡三千二百四十篇斷遠取近定可以爲世法者百二十篇以百二

篇爲尚書十八篇爲中候

尚書序正義

若堯知命在舜舜知命在禹猶求於羣臣舉於側陋上下交讓
務在服人孔子曰民可使由之不可使知之此之謂也

尚書堯
典正義

民間得秦誓

尚書序
正義

詩者弦歌諷諭之聲也

案北堂書鈔九十五太平
御覽六百八俱引此句

自書契之興

朴略尚質面稱不爲諂目諫不爲謗君臣之接如朋友然在於
怨成而已斯道稍衰姦僞以生上下相犯及其制禮尊君卑臣
君道剛嚴臣道柔順於是箴諫者希情志不通故作詩者以誦

其美而譏其過

毛詩譜
序正義

春秋緯演孔圖云詩含五際六情

毛詩關
雅正義

唐虞始造其初至周分爲六詩

毛詩譜序正
義關雅正義

孔子錄周衰之歌及衆國聖賢之遺風自文王創基至於魯僖

四百年間凡取三百五篇合爲國風雅頌

毛詩譜
序正義

河間獻王好學其博士毛公善說詩獻王號之曰毛詩毛詩因風正義

未有若今傳訓章句毛詩闕雅正義

注詩宗毛爲主毛義若隱略則更表明如有不同卽下已意使

可識別也毛詩鄭氏箋釋文

禮者序尊卑之制崇讓合敬也北堂書鈔九十五太平御覽六百八

禮其初起蓋與詩同時毛詩譜序正義

唐虞有三禮至周分爲五禮周禮春官序官疏

漢興高堂生得禮十七篇後得孔氏壁中古文禮凡五十六篇

案奔喪正義作五十七篇記百三十一篇周禮六篇其十七篇與高堂生所

傳同而字多異其十七篇外則逸禮是也禮記大題正義奔喪釋文序錄案大題

正義又引云周官壁中所得六篇

案漢書藝文志儒林傳曰傳禮者十三家唯高堂生及五傳弟

子戴德戴聖各在也

禮記大題正義

今禮行於世者戴德戴聖之學也

禮記大題正義

戴德傳記八十五篇戴聖傳記四十九篇

禮記大題正義

春秋者右史所記之制動作之事也右史記事左史記言

禮記玉藻

正義公羊序疏太平御覽六百八案公羊疏引作春秋者國史所記人君動作之事左史所記爲春秋右史所記爲尚書

孔子既西狩獲麟自號素王爲後世受命之君制明王之法

左傳

序正義

左氏善於禮公羊善於識穀梁善於經

穀梁序疏

治公羊者胡毋生董仲舒董仲舒弟子廙公廙公弟子眭孟眭

孟弟子莊彭祖及顏安樂安樂弟子陰豐劉向王彥

公羊序疏

立又爲之往

孝經序疏案此謂春秋

孔子以六藝題目不同指意殊別恐道離散後世莫知根源故

作孝經以總會之

孝經序疏

玄又爲之注

孝經序疏案此謂孝經

經典集林卷七

京相璠春秋土地名一卷

經典集林卷八

臨海 洪頤煊 撰集

承德 孫 彤 校訂

隱公二年莒人入向

向沛國縣今并屬譙國龍亢也

水經陰
溝水注

三年盟于石門

石門齊地今濟北盧縣故城西南六十里有故石門

水經濟
水注

四年公及宋公遇于清

今濟北東阿東北四十里有故清亭

水經濟
水注

五年衛師入郟

東郡廩丘縣南三十里有郟都故城

水經甄
子水注

剛縣西南有盛

鄉城

水經洙水注

案甄子水注云郟都亦是山陽之屬縣
京杜並在廩丘城南洙水注所引當是別存異說故列

次于

圍長葛

長社縣北有長葛鄉

水經洧水注

八年宋公衛侯遇于垂

今濟陰句陽縣小成陽東五里有故垂亭

水經瓠子水注

十一年公會鄭伯于時來

今滎陽縣東西十里有故釐城

水經濟水注

向

或云今河內軹西有城名向

水經濟水注

隕

河內脩武縣北有故隕城

水經濟水注

桓公十六年使盜待諸莘

今平原縣陽平縣北十里有故莘亭

水經河水注

莊公八年戍蔡丘

齊西五十里有蔡丘地

水經淄水注

遂田于貝丘

博昌縣南近澠水有地名貝丘在齊城西北四十里

水經河水注

水注

九年戰于乾時

今樂安博昌縣南界有時水西通濟其源上出般陽北至高

苑下有死時中無水

水經瓠子水注

浚洙

洙水在魯城北

水經泗水注

十三年齊人滅遂

遂在虵丘東北十里

水經汶水注

十四年自櫟侵鄭及大陵

潁川臨潁縣東北二十五里有故巨陵亭古大陵也

水經漢水注

十八年公追戎于濟西

濟水自鉅野至濟北

水經濟水注

二十八年鄭人將奔桐丘

鄭地也

水經洧水注

冬築郟

公羊傳謂之微東平壽張縣西北三十里有故微鄉魯邑也

水經濟水注

僖公四年北至于無棣

舊說無棣在遼西孤竹縣

水經淇水注

二十一年盟于鹿上

郡國志曰濟陰乘氏縣有鹿城鄉春秋僖公二十一年盟于

鹿上京杜並謂此亭

水經濟水注

須句

須胸一國二城兩名蓋遷都須昌胸是其本秦以爲縣

水經濟水注

注

二十三年出於五鹿

今衛縣西北三十里有五鹿城

水經河水注

二十四年入桑泉取白衰

桑泉白衰並在解東南

水經涑水注

蔡

河內山陽西北六十里有郟城

水經沁水注

案春秋無郟城以郡國志證之當是蔡字

之謫今附
見于此

雍

今河內山陽西有故雍城

水經清
水注

邗

今野王西北三十里有故邗城邗臺

水經沁
水注

又有亭在臺西

南三十里

水經沁
水注

召穆公

亭在州城南五十里

水經渭
水注

甘昭公

今河南縣西南有甘水北入洛

水經甘
水注

或云甘水西山上夷

汙而平有故甘城在河南城西二十五里

水經甘
水注

及坎歌

鞏東地名坎欲在洞水東

水經洛水注

二十五年殺之于隰城

在懷縣西南

水經沁水注

二十八年盟于宛濮

衛地也

水經濟水注

濮水故道在濮陽南

水經瓠子水注

二十九年盟于翟泉

舊說言翟泉本自在洛陽北長宏城成周乃繞之

水經穀水注今

太倉西南池水名翟泉

水經穀水注

三十年許君焦瑕

今河東解縣西南五里有故瑕城

水經涑水注

三十三年初臼季使過冀

今河東皮氏縣有冀亭古之冀國所都也

水經汾水注

文公二年盟于垂隴

垂隴鄭地今滎陽東二十里有故垂隴城

水經濟水注

十一年會晉郤卸于承匡

今陳留襄邑西三十里有故承匡城

水經陰溝水注

埋其首於周首之北門

今濟北所治盧子城故齊周首邑也

水經濟水注

十三年卜遷于繹

地里志嶧山在鄒縣北

水經泗水注

十七年敗戎于邲垂

舊說言邲垂在高都南今上黨有高都縣

水經伊水注

宣公元年遇于北林

今滎陽苑陵縣有故林鄉在新鄭故曰北林

水經渠水注

三年成王定鼎于郊鄆

郊山名鄆地邑也卜年定鼎爲王之東都謂之新邑是爲王

城

水經穀水注

十一年盟于辰陵

潁川長平有故辰亭

水經洧水注

十二年及滎澤

滎澤在滎陽縣東南

水經濟水注

楚師軍於邲

在敖北

水經濟水注

同盟于清丘

在今東郡濮陽縣東南三十里

水經瓠子水注

成公二年將及華泉

華泉華不注山下泉水也

水經濟水注

盟于袁婁

濟南梁鄒縣有袁水

水經濟水注

十六年楚師還及瑕

瑕楚地

水經陰溝水注

諸侯遷于制田

鄭地

水經渠水注

待于郕

公羊作運字今東郡廩丘縣八十里有故運城

水經瓠子水注

襄公三年乃盟于郕外

今臨淄惟有澆水西北入濟卽地里志之如水矣郕如聲相

似

水經瓠子水注

四年及斟尋氏

故斟尋國禹後西北去灌亭九十里

水經巨洋水注

十年會吳于祖

宋地今彭城偃陽縣西北有祖水溝去偃陽八十里

水經汴水注

十一年西濟于濟隧

鄭地也

水經濟水注

十二年師于楊梁

宋地睢陽東南三十里有陽梁城

水經淮水注

十六年戰于湛阪

昆陽縣北有蒲城蒲城北有湛水

水經汝水注

十八年見梗陽之巫臯

梗陽晉邑也今太原晉陽縣南六十里榆次界有梗陽城

水經

汾水
注

齊侯禦諸平陰

平陰齊地也在濟北廬縣故城西南十里

水經濟水注

焚申池之竹木

申門卽齊城南面西第一門矣

水經淄水注

十九年取邾田自漑水

薛縣漑水首受蕃縣西注山陽湖陸

水經泗水注

以夙沙衛易己衛奔高唐以判

本平原縣也

水經漯水注

二十三年封少水

晉地也又曰少水今沁水也

水經沁水注

二十六年襲衛羊角取之遂襲我高魚

衛邑也今東郡廩丘縣南有羊角城高魚魯邑也今廩丘東

北有故高魚城

水經
子水注

照公四年三塗

山名也

水經伊
水注

五年勞諸索氏

京縣有大索亭小索亭世語以爲本索氏兄弟居此故有大

小之號

史記項羽本紀正
義水經濟水注

九年以夷濮西田益之

以夷之濮西田益也

水經淇
水注

十三年及中人

今中山望都東二十里有故中人城

水經
水注

十五年圍鼓

白狄之別也下曲陽有鼓聚故鼓子國也

水經濁漳水注

二十年聊攝以東

聊城縣東三十里有故攝城

水經課水注

二十二年次于皇

營城北三里有黃亭卽此亭也

水經洛水注

以王師敗績于前城

今洛陽西南五十里伊闕外前亭

水經伊水注

二十三年郊鄆潰

今鞏洛渡北有鄆谷水東入洛謂之下鄆亦謂之北鄆

水經洛水注

注

乃溢於蘧滋

水際及邊地名也今南陽消陽二縣之間清水之濱有南蘧

北澁矣

水經禹貢山水澤地所在注

二十七年與吳師遇于窮

今安豐有窮水北入淮

水經淮水注

及沙汭而還

楚東地也

水經渠水注

三十年使居養

在襄城郟縣西南

水經汝水注

定公四年自小別至于大別

大別漢東山名也在安豐縣南

水經沔水注

陳于伯舉

漢東地

水經江

六年負黍

負黍在潁川陽城縣西南二十七里世謂之黃城水經潁水注

十三年築蛇淵園

今濟北有蛇丘城城下有水魯園也水經汝水注

哀公二年登鐵上

鐵丘名也

水經河水注

四年襲梁及霍

霍陽山在周平城東南

水經汝水注

起豐析

南陽析縣有故豐鄉

水經沔水注

將通於少習

楚通上洛阨道也

水經丹水注

七年成子以茅叛

今高平縣西三十里有故茅鄉城

水經洙水注

八年齊人取讎及闡

剛縣西四十里有闡亭

水經汶水注

不知所附

今泰山南武城縣有澹臺子羽冢縣人也

水經渠水注

陰溝水 出河之濟

水經陰溝水注

今濮陽城西南十五里有沮丘城六國時沮楚同音以爲楚

丘非也

水經瓠子水注

周襄王居之故曰襄城

水經汝水注

長社北界有稟水

水經洧水注

經典集林卷八

經典集林卷八

九